

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

773. Quæ cessiones seu resignationes sint publicandæ.

[urn:nbn:de:hbz:466:1-74494](#)

do in specie mentionem de quibusdam personis, de quibus forte suboriri poterat dubium ob singulare eorum privilegia, tenebuntur ad publicationem resignationum in sui favorem factarum. Primo Officiales Curia, puta, Auditores Rotæ, Referendarii, Scriptores Apostolici, Abbreviatores, Milites, aliquæ familiares & commensales Papæ. Paris, n. 2. 3. 4. exprimenter hoc ipsum Gregorio his verbis: *nostris familiaribus continuis commensalibus, nec non literarum Apostolicarum Scriptoribus, Abbreviatoribus, ceterisque.* Secundò Ecclesia Romanae Cardinales juxta expressa Constitut. Gregorianæ verba: *& quibusunque, etiam s. R. E. Cardinalibus ac p̄is locis, quounque privilegio suffulitis, nec non indulitis, privilegiis ac gratiis Apostoliis, etiam prædictis Cardinalibus &c.* Azor loc. cit. Paris, a. n. 5. Tertiò exempti, propter jam recitatæ generalitatem verborum, Azor loc. cit. Paris, n. 13. & certè, si comprehenduntur Cardinales maximè exempti, & infinita habentes privilegia, multò magis alii exempti inferiores. Paris, cit. n. 13. Et si Papa generaliter aliquid statuendo ligat omnes subditos suos. c. 1. de constit. ligabit quoque qualitercumque exempti dicta constitutio. Gregorii; cum Papa sit proximus & unicus Exemptorum Superior. c. null. dist. 93. & vel hinc exempti magis illi subjiciantur; cum alium Superiore non habeant. Sarn. de infirm. resign. q. 4. Paris, a. n. 14. Quartò Minores, cum quibus dispensatum est per Papam, ut obtinere possint in ea ætate beneficia, tenentur publicare resignata sibi beneficia. Paris, l. 11. q. 4. n. 33. Idque propter verba constitut. Gregorianæ omnino generalia. vide de hoc plura infra, ubi, qualiter currat iis tempus ad publicandum.

Quæstio 771. An ergo etiam secundus Resignatarius, v. g. dum Titius resignavit beneficium suum in Cajum, & Cajus iterum in Sempronium, Sempronius teneatur publicare resignationem sibi factam?

R Espondeo affirmativè, idque hodieum (quid quid fuerit alias, dum, si primus Resignatarius publicavit, non tenebatur secundus, cui intra tempus ad publicandum datum fuerat à primò resignatum beneficium, ut Paris. cit. q. 4. n. 19.) sive primus Resignatarius publicaverit, sive nondum nimis is, ut poterat, resignavit (secus tamen videtur, ubi Resignatarius vel alius, qui ad publicandum tenebatur, decepsit, ita ut tunc successor non teneatur ad publicandum; quia tunc non obtinuit tanquam vacans per resignationem, sed tanquam vacans per mortem. Ventr. to. 2. annot. 4. §. 2. nn. 83. citans Novar. Sum. Bullar. p. 1. tit. de benef. resig. public. nn. 19. Barbos. juris Eccles. l. 3. c. 15. n. 193.) in tempore dato ad publicandum, propter expressa verba constit. Gregor. quæ sic habent: plurisque, & quotquot in alium, vel alios cessiones, ac etiam in ipsammet primum resonantem vel cedentem retrocessiones, termino predicto nondum elapsò intercesserint, ita ut unicus duntaxat terminus omnibus his successivis cessionibus, ac retrocessibus decurrat, ut, qui posterius gratiam habuerit, publicationem hujusmodi facere, ceteraque omnia hic prescripta intra eundem terminum prestatere teneatur &c. Azor cit. c. 24. q. 6. Paris. loc. cit. num. 20. Unde jam patet, unum eundemque terminum, v. g. 6. mensium datum ad publicandum currere pluribus, quibus intra eundem idem beneficium resignatur quod tamen intelligi-

gendum videtur, si priores ex his Resignataris non publicarunt) & nequam singuli illi Resignataris concedi novum integrum terminum; idque ne alias fraus fieret legi, si singulis Resignataris assignarentur singuli sex menies. Paris, n. 20. & 21.

Quæstio 772. An impetrantes beneficia vacantia ob non factam eorum intra tempus prescriptum resignationis publicationem, teneantur promulgare factam sibi gratiam?

R Espondeo: Teneri illos non fecis, ac si per re-signationem beneficium illud obtinuerent. Azor loc. cit. Paris. cit. q. 4. n. 25. Castrop. de benef. d. 6. p. 2. §. 6. n. 7. Garc. p. 11. c. 3. n. 278. Ventr. loc. cit. n. 82. citans Lott. l. 3. q. 21. n. 22. Barbos. juris Eccles. l. 3. c. 15. n. 192. &c. Sic statuente Gregorio hisce expressis: Et quicunque sic impetrans, aut gratiam, etiam motu simili habens, præsumit in eum casu tempus prædictum à Data concessionis gratia sibi facta hujusmodi, ac omnia, quæ cadens à jure prædictio debet, præstare teneatur &c. Rationem etiam addit Paris. quod, cum iste per impetracionem factam succedat, & subrogetur in locum illius Resignarii, & subrogatus sibi naturam illius, in cuius locum subrogatur, debeat publicare. Et licet, ut Castrop. talia beneficia non videantur obtineri ex resignatione, sed ex vacatione nova, orta ob non factam publicationem, quia tamen resig-natio principium dedit, opis adhuc sit publicatione. Jam vero, ut dicitur in eadem constitut. Gregor; si pluribus gratiam hujusmodi fieri contigerit (hoc est, si plures idem beneficium imperarent ob non publicationem) is omnibus præteratur, seu præ omnibus obtineat, qui primus publicationem suæ impetracionis fecerit, & posse-sionem adeptus fuerit, aut petierit, omniaque requi-sita adimpleret, quamvis in Data sit postremus, & posse-sio ab alio in publicando negligentiore prius apprehensa fuerit, vel petita.

Quæstio 773. Quæ cessiones seu resignationes sint publicanda?

R Espondeo: Cùm quæstio hæc admodum generalis sit, nec fortassis uno eodemque responsu expediti possit, melius eam resolvendam per questiones & responsa facta in particulari pro di-versitate plurium casuum occurrentium. Unde sit

Quæstio 774. An resignationes beneficiorum factæ extra Curiam coram locorum Ordinariis publicari debeant?

R Esponder affirmativè Azor. loc. cit. q. 5. 1. Castrop. loc. cit. n. 6. Lott. l. 3. q. 21. n. 9. Paris. l. 11. q. 5. n. 1. Ventr. loc. cit. n. 64. & 80. Garc. p. 11. c. 3. n. 282. qui etiam num. 283. subiungit, id procedere, quando Ordinarii de beneficio resignato non providit, de quo quæst. seg. Neque hic nomine Ordinariorum veniunt soli Episcopi, sed & alii inferiores, ad quos spectat beneficia con-ferre; uti & Superiori, nempe Archiepiscopi, Patriarchæ, Legati de latere, Delegati, Cardinales, non solum iure ordinario beneficiorum resignationes admittentes, sed & ratione indulgentiam ac facultatum à Sede Apostolica concessarum. Et sic is, cui beneficium coram illis resignatum confertur, intra tempus præscriptum, nempe